

都察院則例



都察院則例五

一巡城職掌。順治十年議準。令五城御史各率

所屬。辦理地方之事。釐剔姦弊。整頓風俗。○十

三年覆準。京城內鬪毆錢債等細事。如原被皆

旗人。則送部審理。如與民互告。仍聽五城審結。

○十六年題準。京師內外十六門。令巡城御史

不時巡察。○康熙十一年題準。五城詞訟。御史

竟行審結。徒罪以上送刑部。

一司坊分理。康熙年間定。五城兵馬司指揮。副

指揮。吏目。專司

京城詰緝逃盜稽察姦宄等事○又定凡緝賊捕逃禁約賭博驅逐匪類稽察妄造謠言及衙役指官嚇詐私開煤窰糾夥燒炭以至邪教惑人聚眾燒香寺院庵觀坊店等處皆令該司坊等時加巡察○四十五年覆準五城副指揮吏目係佐貳官除逃人盜案照舊管理其餘民間詞訟非奉該城御史批發正印官移行不得準理動刑倘有擅準民詞及拘禁濫刑縱役索詐等弊該城御史糾叅照例議處○雍正元年覆準司坊官員不許收受民詞該城御史亦不許批

審詞訟○又定五城兵馬司職司稽察

京城姦宄人命案件係指揮管理逃盜等件係副指揮吏目分地管理○中城副指揮管理中西坊吏目管理中東坊東城副指揮管理崇南坊吏目管理朝陽坊南城副指揮管理東南坊吏目管理正東坊西城副指揮管理宣南坊吏目管理關外坊北城副指揮管理日南坊吏目管理靈中坊○乾隆元年奏準從前曾經定例五城司坊官概不許收受民詞該城御史亦不許批審詞訟惟鬪毆賭博司坊官隨到隨審因而

司坊官於地方事件。概不準理。雖人命盜賊。屍親事主。迫切投訴。亦不審究。必待御史飭委。始行相驗。緝拏。需延時日。兇身正賊。多有遠颺。未免貽誤地方事件。嗣後人命案件。仍令指揮管理。盜賊案件。仍令副指揮吏目。按地分理。該司坊遇有屍親事主呈報者。即行收受。一面詳報該城御史。一面親往相驗踏勘。其本案人犯。即準察拏。審明解院。不得遲延時日。如有推諉遲誤。及借端滋擾等弊。令該城御史叅處。其逃人土娼。責該坊官按地稽察。一經告發。準其收受。

緝拏。至賭博鬪毆等件。該坊官於所屬地方。固宜隨拏隨審。即別城隔屬。途行夜巡。但遇酗酒罵街。角口廝打。開場賭錢。小竊等事。隨見隨拏。移交該管坊官審理。不得以地非所屬。過而不問。至民間一應詞訟。仍遵定例。不許擅受。皆歸該城御史審理。○十一年奏準。民間房屋債負。經該城批發事件。該坊錄取供詞。報明本城結案。

一事件期限。康熙五十八年題準。兵馬司案件。職分應管之事。隨到隨審。定限五日內完結。詳

報都察院。半月一次注銷。若將案件叢積遲延。不於限內完結。或有縱役訛詐等事。都察院察出題叅。

一五城地界。雍正五年覆奏。凡城內地方分隸五城者。或憑以墻垣屋址。或憑以衙衙曲折。猶可細按基址。劃明界限。至城外鄉村。與州縣接壤者。地勢遼濶。雖有四址冊可稽。但未建立界牌。難為憑據。一遇命案事件。往往互相推諉。令五城將城內所轄地方。舊有基址界限者。再行清理。按界分管。其所轄城外鄉村。與州縣接壤

之處。按舊造四址清冊。共同勘定。建立界牌。以垂永久。奉

旨。城內舊址界限。著五城御史察勘。建立界牌。其城外與州縣接壤之處。著巡視直隸三路御史。於各該管處察明勘定。建立界牌。○十二年定。五城交界地方。犬牙相錯。五城官員會同清理。釘立木牌。分別交界。○乾隆二年議準。東南西北四城。并大興宛平。通州。昌平。各州縣。令會同確勘。劃清界址。彼此覈對。建立石碑。仍將四至處所。造冊繪圖。呈送戶刑二部。都察院存案。至各城犬牙相錯

之處。均應分立界址。其街道寬者。亦建立石碑。其衢巷狹者。仍設木牌。

中城。中西坊地界。內城。自東長安門居中起。迤東至王府大街止。街北係中西坊所轄。街南係南城交界。自王府大街北口起。至兵馬司衙衙東口止。街西係中西坊所轄。街東係東城交界。自兵馬司衙衙東口起。至南鑼鼓巷西口止。街南係中西坊所轄。街北係北城交界。自帽兒衙衙西口起。至大石橋西口止。街南係中西坊所轄。街北係北城交界。自大石橋北口起。至地安

門止。街東係中西坊所轄。街西係中東坊交界。自地安門神武門居中起。至東華門并小南城一帶地方。路東係中西坊所轄。路西係中東坊交界。外城。第一鋪。東自西月牆起。至正陽門大街。與中東坊交界。南至珠子市。與二鋪交界。西自西河沿。至關帝廟止。與北城交界。北至正陽門大城牆止。第二鋪。東自正陽門大街。與中東坊交界。南至珠市口大街。與三鋪交界。西至觀音寺前。與北城交界。北至珠子市。與一鋪交界。第三鋪。東至珠市口大街。與南城交界。南至永

定門城牆止。西至石頭衙衙。與北城交界。北至清風巷火神廟以西。與北城交界。○中東坊地界。內城。自地安門大石橋起。往南至景山後街中分界。西係中東坊所轄。東係中西坊交界。自長安右門外起。至瞻雲坊南北大街止。街中分界。北係中東坊所轄。南係南城交界。自長安大街西口外瞻雲坊起。至護國寺西口外止。街中分界。東係中東坊所轄。西係西城交界。自護國寺西口起。迤東至定府大街龍頭井三座樓并地安門外大石橋止。南係中東坊所轄。北係西

北兩城交界。外城。第一鋪。東自打磨廠長巷上二條衙衙北口外起。至東河沿四間樓柵欄止。與二鋪交界。南自小夾道起。往北至城牆根止。西自正陽東門外城牆。迤東第二塚口止。與二鋪交界。北自正陽東門大街甬道中起。至小夾道止。與三鋪交界。第二鋪。東自蕭公堂起。至東河沿南城交界碑止。與第一鋪交界。南自南蘆草園起。至三里河大街中止。與南城交界。西自正陽東門外城牆第二塚口起。至第四塚口止。與南城交界。北自鑾慶衙衙起。至玉金樓火神

廟止。與三鋪交界。第三鋪。東自草廠頭條衙衙起。至小席兒衙衙止。與二鋪交界。南自東珠市口起。迤北至大街路東小夾道止。與一鋪交界。西自豆腐巷起。往東至元帝廟止。與二鋪交界。北自小夾道起。至小蔣家衙衙止。

東城。崇南坊地界。內城。東至城牆止。南至崇文門止。西至王府大街。與中城交界。北至東大市街。南係崇南坊所轄。北係朝陽坊交界。外城。第一鋪。東至東便門。與五鋪交界。南至朝陽坊界。西至南城界。北至崇文門口。第二鋪。東至米市

口。與四鋪交界。南至三轉橋。與三鋪交界。西至南城界。北至朝陽坊界。第三鋪。東至米市口。與四鋪交界。南至左安門口。西至南城界。北至蒜市口。與二鋪交界。第四鋪。東至廣渠門口。南至三轉橋。與三鋪交界。西至蒜市口。與二鋪交界。北至朝陽坊界。第五鋪。東至城牆。南至朝陽坊界。西至崇文門。與一鋪交界。北至東便門口。第六鋪。係東直門外地方。東至東壩界。南至朝陽坊界。西至東直門。北至北城界。第七鋪。係東壩村地方。東至大興縣通州界。南至大興縣界。西

至東直門界。北至大興縣界。○朝陽坊地界。內城。東至朝陽門東直門城牆止。南至東大市街。與崇南坊交界。西至大市街路西。與中城交界。北至新橋。與北城交界。外城。第一鋪。東至羊肉衛街。與二鋪交界。南至手帕衛街。與崇南坊交界。西至崇文門大街街西。與南城分界。北至四條衛街。與崇南坊交界。第二鋪。東至草團瓢城牆止。南至找子營。與崇南坊交界。西至羊肉衛街。與一鋪交界。北至胡以喇口。與崇南坊交界。第三鋪。係東便門外地方。東至二牆。與大興縣

交界。南至運糧河。與南城交界。西至城牆太平倉止。北至崇善庵。與四鋪交界。第四鋪。係朝陽門外地方。東至大王莊。與大興縣交界。南至皇姑庵。與三鋪交界。西至朝陽門外城牆止。北至朝陽庵南牆。與五鋪交界。第五鋪。係東直門外地方。東至二里莊。與大興縣交界。南至朝陽庵北牆。與四鋪交界。西至東直門外城牆止。北至東直門大街。與崇南坊交界。第六鋪。係六里屯地方。東至大興縣界。南至大興縣界。西至呂祖閣。與四鋪交界。北至大興縣界。

南城。東南坊地界。內城。東至兵部窪。與正東坊  
交界。南至二廟城牆止。西至太平湖西城牆止。  
北至長安右門大街中分。至就日坊迤西。與西  
北二城交界。外城。第一鋪。東至鞭子巷二條衛  
街。與二鋪交界。南至南

郊外圍牆止。西至珠市口大街中分。與中城中西坊交  
界。北至三里河大街中分。與中城中東坊交界。  
第二鋪。東至火藥局。與東城崇南坊交界。南至  
何家莊。與東城崇南坊交界。西至鞭子巷二條  
衛街。與一鋪交界。北至柳樹井。與三鋪交界。第

三鋪。東至崇文門大街。中分瓜市。與東城崇南  
坊交界。南至石板衛街。與東城崇南坊交界。西  
至慈家口。與二鋪交界。北至五老衛街。與正東  
坊二鋪交界。第四鋪。東至平樂園北口。與正東  
坊二鋪交界。南至三里河橋三官廟。與二鋪交  
界。西至草廠七條衛街南口外。與正東坊三鋪  
交界。北至北官園南口。與正東坊一鋪交界。第  
五鋪。係廣寧門外地方。東至右安門城牆止。南  
至關帝廟。與右安門交界。西至大井村。與西城  
關外坊交界。北至接待寺。與宛平縣交界。第六

鋪。係右安門外地方。東至永定門大道中分。與正東坊交界。南至西紅門三官廟。與大興縣交界。西至七里莊。與宛平縣交界。北至關帝廟。與廣寧門外交界。○正東坊地界。內城。自正陽門內棋盤街。迤東至崇文門內大街中分。與東城交界。自棋盤街迤西至頭廟。與東南坊交界。南至城牆止。北至長安左右門大街。街北與中城交界。外城。第一鋪。東至崇文門大街街西。街東係東城界。南至北官園南口。與東南坊四鋪交界。西至新開路北口。與三鋪交界。北至城牆止。

第二鋪。東至喜雀衚衕東口外。路南與東南坊三鋪交界。南至平樂園北口。與東南坊四鋪交界。西至閭王廟前街。與東南坊四鋪交界。北至中帽衚衕西口外。與一鋪交界。第三鋪。東至新開路北口外。與一鋪交界。南至草廠二條衚衕南口外。與中城交界。西至蕭公堂。與中城交界。北至東河沿城河止。第四鋪。係廣渠門外地方。東至南花園白鹿司一帶地方。與通州交界。南至八里莊燕窩一帶地方。西至城牆止。北至東便門外運糧河。以中間與東城分界。第五鋪。係

左安門外地方。東至波羅營西直河一帶地方。與通州交界。南至南海子墻下止。西至永定門外大道。以中間與東南坊分界。北至八里莊燕窩一帶地方。

西城。宣南坊地界。內城東至大市街路西。至豹子街口。與北城交界。南至豹子街路北。與南城交界。西至城墻止。北至阜成門大街路南。與關外坊交界。外城第一鋪。東至宣武門大街路西。與北城交界。南至夾道居。與二鋪交界。西至柴廠。與關外坊六鋪交界。北至上斜街。與關外坊

六鋪交界。第二鋪。東至菜市口。與北城交界。南至廣寧門大街路北。與三鋪交界。西至韋馱庵。與關外坊七鋪交界。北至斜街。與關外坊七鋪交界。第三鋪。東至半截衚衕。與北城交界。南至憫忠寺。與五鋪交界。西至牛街。與四鋪交界。北至廣寧門大街路西。與二鋪交界。第四鋪。東至牛街。與三鋪交界。南至棗林街。與五鋪交界。西至廣寧門城墻。北至廣寧門大街路南。與關外坊七鋪交界。第五鋪。東至姚家坑。與北城交界。南至右安門城墻。西至廣寧門城墻。北至盆兒

衡衙。與三舖交界。○關外坊地界。內城自西大市街迤北起。至德勝門內街西水碓兒衙衙止。自德勝門內街西水碓兒衙衙。迤南至護國寺東柵欄街北止。自護國寺東柵欄街北起。迤西至阜成門內街北止。自西直門內北起。迤東至德勝門內街西水碓兒衙衙止。關外第一舖。東至阜成門外西直門外一帶地方止。南至啞吧橋。與三舖交界。西至雙楊居。與三舖交界。北至高亮橋。與二舖交界。第二舖。東至藥王廟。與北城交界。南至高亮橋。與一舖交界。西至藍錠廠

六郎莊。與北城交界。北至海甸

宮門口。與北城交界。第三舖。東至羊房店西便門外石道止。南至廣寧門外石道大井上。與南城交界。西至半壁店。與四舖交界。北至八里莊。與四舖交界。第四舖。東至雙槐樹。與三舖交界。南至田村。與宛平縣交界。西至三家店楊家坨。與宛平縣交界。北至寨口。與北城交界。第五舖。東至玉泉山。與北城交界。南至單家村。與三舖交界。西至善國寺。與四舖交界。北至卧佛寺。與北城交界。第六舖。東至土地廟斜街。與宣南坊一

舖交界。南至廣寧門大街韋馱庵。與宣南坊二舖交界。西至西便門。與七舖交界。北至宣武門城牆下止。第七舖。東至鬪雞坑。與六舖交界。南至線閣止。與宣南坊五舖交界。西至廣寧門內。與宣南坊五舖交界。北至虎皮牆止。與六舖交界。

北城。日南坊地界。內城。安定門內東至東直門街北。係北城所轄。街南與東城交界。南至交道口。與東城交界。西至鼓樓。北至安定門城牆。又德勝門內東至鼓樓。南至地安門橋。街北係北

城所轄。街南與中城交界。西至德勝橋大街。街東係北城所轄。街西與西城交界。北至鐘樓後城牆。外城。第一舖。東至萬壽關帝廟。與中城交界。南至延壽寺街。與二舖交界。西至西河沿響牆。與三舖交界。北至西河沿護城河止。第二舖。東至廊房頭條街。與中城交界。南至觀音寺前。與四舖交界。西至琉璃廠橋。與三舖交界。北至茗帚街。與一舖交界。第三舖。東至琉璃廠橋。與二舖交界。南至東南園。與靈中坊交界。西至永光寺中街。與靈中坊交界。北至宣武門城

牆止。第四鋪。東至石頭衛衛南口。與中城交界。南至

先農壇北牆止。西至菜市口。與靈中坊交界。北至虎坊橋。與靈中坊交界。第五鋪。東至大保吉巷。與中城交界。南至黑窩廠永定門城牆止。西至米市衛衛北口。與六鋪交界。北至羸馬市。與四鋪交界。第六鋪。東至雞鶩市。與五鋪交界。南至藍旗教場右安門城牆止。西至半截衛衛。與西城交界。北至菜市口。與四鋪交界。○靈中坊地界。內城。東至鼓樓。與日南坊交界。南至後門橋。

街北係北城地方。街南與中城交界。西至德勝橋大街。街東係北城地方。街西與西城交界。北至鐘樓後城牆止。關內三鋪。第一鋪。東至陝西巷。與日南坊交界。南至虎坊橋。與日南坊交界。西至山西街。與三鋪交界。北至臧家橋。與三鋪交界。第二鋪。東至琉璃廠橋。與日南坊交界。南至沙土園。與四鋪交界。西至宣武門大街。與西城交界。北至西南園。與日南坊交界。第三鋪。東至臧家橋。與一鋪交界。南至魏染衛衛北口。與一鋪交界。西至菜市口。與日南坊交界。北至柳

卷。與日南坊交界。關外五鋪。第一鋪。東至迴龍  
牆。與東城交界。南至安定門城牆止。西至黃寺。  
與二鋪交界。北至土城。與三鋪交界。第二鋪。東  
至黃寺。與一鋪交界。南至德勝門城牆止。西至  
藥王廟。與西城交界。北至土城。與三鋪交界。第  
三鋪。東至龍稻村。與東城交界。南至東西小關  
土城止。與一二鋪交界。西至十間房。與西城交  
界。北至立水橋上清河。與昌平州宛平縣交界。  
第四鋪。東至蕭家河。與五鋪交界。南至六郎莊。  
與西城交界。西至玉泉山。與西城交界。北至北

旺村。以路中與昌平州分界。第五鋪。東至柏林  
莊六道口。與三鋪交界。南至北海甸。與西城交  
界。西至蕭家河。與四鋪交界。北至樹村。與宛平  
縣交界。

一條教。順治十六年議準。令五城各設公所。御  
史司坊各官。督率鄉約人等。於每月朔望日。聚  
集公所。宣講。

欽頒六諭文。○康熙九年。頒

上諭十六條。令五城於朔望宣講。○雍正二年。頒  
聖諭十六條。廣訓。令五城曉諭。

一。米。廠。康熙六十一年議準。嗣後將糶米所交制錢。令五城照市價易銀交庫。○雍正三年

諭。上年雨水過多。米價騰貴。可將廠內成色米。酌量平糶。隨經奏準。將京通二倉二成至七成三色米一百餘萬石。本裕倉三成四成稜米共三萬二千餘石。於京城東南二城立廠一處。西北二城立廠一處。通州立廠二處。清河立廠一處。照時價減糶。按成色覈收。○四年

諭。京倉好米。著發五萬石。每城領一萬石。照例立廠。委員平糶。欽此。遵

旨議準。五城平糶。銀錢兼收。交送戶部察覈。○五年  
諭。聞老米市價一兩八錢。今年又多一閏月。當此青黃不接之時。民間恐有艱食者。可將成色米照例發糶。

欽此。○八年議準。見今五城設廠糶賣成色米。照春間價值。按成遞減。人多擁擠。應於每城各增設一廠。只許零星糶買。每人不得過三斗。所收銀錢。該司坊官按月造冊。送交戶部察覈。再成色米價值既賤。於窮民尤為便益。應隨時發糶。不宜拘定米數。並麥秋停止。俟米價稍平。應停之時。戶部奏

聞。○十二年奏準。五城兵馬司糶買成色米。每年令都察院造冊。咨送戶部。於年底覈清。每年題銷一次。○十二年題準。五城各酌撥官房二所。以爲米廠。○乾隆三年奏準。見今五城設立十廠。平糶。六居城內。四居城外。今糶米加多。糶米人衆。應將原設六廠。移於城外關廂。酌定地方分設。其米廠一切費用。悉照見在五城糶米之例。開銷正項。○七年題準。五城兵馬司糶賣成色米。年底報銷。原屬定例。但年底務以十二月三十日爲止。方能截定數目。結算造冊。迨至磨對。

清楚。呈送各該管衙門。其中或有款項不清。或有各屬未能畫一。難免逐細指駁。往返另造。均需時日。始得彙齊咨部。前雖經戶部題定。於年底造報。而未定有截日限期。若令在年內截日扣限。則上年截剩之日。轉歸次年冊內。前後造報。恐致舛錯。不若以十二月三十日爲率。年歸一年。方屬清楚。嗣後五城兵馬司糶米奏銷造冊。以次年開印之日爲始。定限兩月。彙齊送部。如有遲誤。即行題叅。○又定。五城兵馬司糶賣成色米。解交制錢。均於年底始行停糶。是以均

於次年開印後。將上年米錢各數目。一面先造底冊。齎赴倉場衙門。磨對清楚。別造清冊。呈送倉場。一面由本城御史呈送都察院。轉咨戶部題銷。○中城糶米官房二。一設前門外鷄兒衚衕內。指揮管理。一設前門外糧食店。副指揮管理。東城糶米官房二。一設崇文門外小市口東。指揮管理。一設朝陽門外會芳樓間壁。副指揮管理。南城糶米官房二。一設崇文門外蒜市口香串衚衕內。指揮管理。一設廣渠門內欄杆市街。副指揮管理。西城糶米官房二。一設宣武門

外教子衚衕內。指揮管理。一設阜成門外關廟內。副指揮管理。北城糶米官房二。一設宣武門外觀音堂路東地方。指揮管理。一設德勝門外醬房衚衕地方。副指揮管理。

一飯廠。順治九年題準。五城煮粥振貧。每年自十一月起。至次年三月中止。每城每日發米二石。柴薪銀一兩。○康熙十四年定。五城每年冬三月煮粥振貧。每城每日發米二石。柴薪銀一兩。○二十八年

諭。今歲煮粥振貧。著展限兩月。正月二銀米加一倍。欽此。

○二十九年議準。今歲增設粥廠五處。日發米二十石。柴薪銀十兩。并原設粥廠。均至六月終止。○三十三年

諭。今歲煮粥振貧。著展限兩月。正月二銀米加一倍。欽此。

○四十七年議準。每年煮粥振貧。展限至三月二十止。○雍正元年

諭。今歲煮粥振貧。著展限至四月二十日止。銀米加一倍。欽此。○三年

諭。今歲煮粥振貧。每城每日銀米加一倍。欽此。○四年  
諭。今歲煮粥振貧。每城每日六石外。加米二石。再東直

西直。安定。右安。廣寧。五門。向未設飯廠。著添設飯廠五處。每日每廠給米二石。欽此。○乾隆二年議準。五

城煮粥振貧。每城日增米一石。柴薪銀五錢。俟春融人少。將所增米數停止。○三年奏準。五城

煮粥振貧。於九月十六日起。每城日增米一石。柴薪銀五錢。俟春融人少。將所增米數停止。○

八年議準。今外來貧民日衆。五城十廠。每廠日增米二石。柴薪銀一兩。煮飯散振。自十月初一

日起。至次年三月二十日止。○又奏準。每廠再增米二石。均勻散給。○中城飯廠二。一設正陽

門外猪市口給孤寺內。副指揮散給。一設永定門內佑聖庵內。吏目散給。其米及薪銀。均副指揮支領承辦。東城飯廠二。一設崇文門外華嚴寺內。副指揮散給。一設朝陽門外海會寺內。吏目散給。南城飯廠二。一設正陽門外三里河安國寺內。一設廣渠門外關帝廟內。副指揮與吏目。每五日輪流散給。其米及薪銀。副指揮與吏目。每年輪流支領承辦。西城飯廠二。一設廣寧門內增壽寺內。副指揮散給。一設阜成門外萬明寺內。吏目散給。其米及薪銀。均副指揮支領

承辦。北城飯廠二。一設宣武門外永光寺內。副指揮管理。一設德勝門外弘慈寺內。吏目管理。一棲流所。順治十年覆準。每城建造棲流所。交五城管理。俾窮民得所。○雍正十三年十二月議準。嗣後五城棲流所。每年令該司指揮估計修葺。如遇無依流民。及街衢病卧者。令總甲扶入所內。報明該司。登記循環簿。留心察看。每名日給小米一倉升。制錢十五文。再召募本城誠實民人一名。月給工食銀五錢。令其看守房屋料理。流民如有患病者。即具報該司撥醫藥餌。

調治。冬月無棉衣者。給布棉衣一件。病故及道路倒卧者。通行備棺收斂。埋於義塚。棺價定銀八錢。該司指揮總理其事。副指揮吏目共相協理。該城御史仍不時巡察。至修理工料口糧諸費。動支戶部庫項。每年每城預發銀二百兩。令該司指揮具領收存。隨時給發。不足。準其赴部再領。有餘。留爲次年之用。統於年底。將用過銀數造冊。送部覈銷。如有虛冒侵蝕。及奉行不力者。該城御史題叅。○又定。凡棲流所內貧民。日給柴薪等費。制錢十五文。折倉米一升。制錢六

文。立冬後。人各給布棉襖一件。價銀六錢。布棉被一件。價銀一兩。病故者。各給棺木及殮埋銀一兩。其道路無名身死者。棺木殮埋銀亦如之。亦於棲流所銀內報銷。均該司指揮管理。○乾隆六年議準。五城棲流所。每年用過錢。合銀銷算。但錢價低昂。勢難畫一。嗣後需用錢。該司坊照依庫平。據實造冊覈銷。○中城棲流所。設永定門內厨子營。東城棲流所。設崇文門外米市口東。南城棲流所。設崇文門外南官園。西城棲流所二。一設宣武門外確兒衚衕內。一設西便

門內甄兒衚衕內。北城棲流所。設正陽門外西河沿。

一孤貧銀米。凡五城疲瘵殘疾年老之民。日給銀一分。米一升。順天府檄飭該司指揮。赴戶部支領。並委官按季監發。仍按季冊報順天府覈銷。轉咨戶部。

一羈禁口糧。雍正十三年議準。五城所屬司坊羈禁人犯。及刑部等衙門發交各司坊枷號。並看守牽連待質人犯。如果子身赤貧。並無家屬者。每人日給平糶成色米一升。仍按季造冊。送

戶部覈銷。○乾隆六年議準。嗣後五城羈禁人犯口糧。照順天府人犯口糧之例。每人每日改給老米一升。仍按季造冊送戶部覈銷。如該司有冒銷尅扣等弊。並該御史失察及徇情者。照例分別議處。

一禁止遺棄嬰孩。康熙十二年題準。凡旗民有貧窮不能撫養其子者。許送育養嬰兒之處。聽其撫養。如有輕棄道途。致傷生命。及家主逼勒奴僕拋棄者。令五城司坊官嚴行禁止。○三十六年題準。溺女相習成風。令五城司坊官嚴行

禁止。違者照律治罪。

一捕蝗。凡五城地方。遇有蝗蝻。該司坊官率領甲捕。立即撲滅。不得稽延時日。有害田禾。

一救火。凡官民房舍火起。不分地方。各司坊督領甲捕。均持器具救火。○康熙二十二年議準。各司所屬地方有失火者。責令即行撲滅。若延燒十間以下者免議。自十一間以上者。分別多

### 寡議處

一巡夜。每年十月初一日起。至十二月底止。該司坊官。每夜巡察。督率總甲捕役。互相巡邏。緝

### 捕盜賊

一義塚。乾隆六年議準。五城地方。係民人輻輳之區。人稠地狹。若不設立義塚。則無主枯骸。必致終年暴露。嗣後各撥地畝。作為義塚。令其收瘞。其應撥何項地畝。及酌撥若干畝。仍令直隸總督順天府尹會同妥議。咨報戶部察覈。○中城義塚。見租永定門內香廠地方浮埋。係指揮管理。東城義塚二。一設崇文門外文昌宮前。一設東便門外核桃園。係指揮管理。南城義塚。見在廣渠門外地方浮埋。係指揮管理。西城義塚。

見在廣寧門內報國寺後地方。及潘家地內浮埋。係指揮管理。北城義塚。設宣武門外黑窩廠。係副指揮管理。

一命案。順治十年題準。凡遇地方道斃之人。果係飢寒所致。察無別情者。即行瘞埋。司坊官不得借名檢驗。株連無辜。開姦人騙詐之端。○十二年題準。凡人命事情。行五城兩縣各官詳驗。

○十八年覆準。凡遇人命重案。呈報到官。責令印官親詣屍所。同屍親被犯當即驗傷詳報。如作受賄捏報者。計贓與衙役同罪。檢驗之官。

察有無受賄議處。○康熙二十二年議準。京城外各地方人命屍傷。令五城兵馬司指揮親行檢驗。○三十三年議準。嗣後五城兩縣民人自盡命案。原被審得情實。又借端株累兩鄰者。照定例治罪。有詐取財物者。從重治罪。○雍正三年奏準。凡告訟人命。有自縊。自殘。及病故。而妄稱身死不明。意在圖賴詐財者。究問明確。不得一概發檢。以啟弊竇。其果係鬪殺故殺謀殺等項。當檢驗者。在京委刑部司官。暨五城兵馬司。務須於未檢驗之先。即詳鞫屍親證佐兇犯人。

等。令其實招以何物傷何致命之處。立爲一案。隨即親詣屍所。督令作作如法檢報。定執要害致命去處。細驗其圓長斜正青赤分寸。果否係某物所傷。公同一千人衆。質對明白。各情輸服。然後成招。或有屍久發變。青赤顏色。亦須詳辨。不許聽憑作作溷報毆傷。輒擬償抵。其作作受財增減傷痕。扶同屍狀。以成冤獄。審係受贓者。依律科斷。○四年

諭。律載鬪毆成傷。定有保辜之限。所以重民命而慎刑罰也。聞京城內外鬪毆毆傷人者。各該地方步軍。無

分輕重。即將兩造並拘解審。大凡被毆之人。受傷雖重。尚可醫救。一經移動。勞損冒風。或致殞命。嗣後應分別傷痕之輕重。若傷不能行動者。禁止移動。勒令即時調治。若問刑衙門委官親詣驗看。其應如何定例通行者。三法司議奏。欽此。遵

旨議準。嗣後京城內外。有鬪毆傷輕者。照例送理刑衙門審斷。其傷重不能移動者。或在衙門控告。或被步軍拏獲。惟將毆人之犯拏送理刑衙門。該衙門即委官帶領作作。親詣驗傷取供。定限保辜。所有被傷之人。擡赴衙門驗傷。永行禁止。違

者將該管官叅處○十一年題準五城關廂內  
外地方有旗民之分向例凡遇人命旗地則領  
催報佐領轉報刑部委官相驗民地則總甲報  
該城御史委指揮相驗往往領催總甲互相推  
諉遲延不報以致傷痕難驗兇犯遠颺嗣後遇  
有人命如係旗地應令領催呈報如係民地應  
令總甲呈報倘遲延不報將該管之領催總甲  
照地界內有死人不申報官司律治罪如已報  
而佐領指揮互相推諉將該管官照推諉事件  
例議處○又定正陽崇文宣武三門內五城分

管地方如有民間命案各設總甲一名呈報其  
身死有無傷痕刑部票委該司檢驗鬪毆活傷  
則委該坊官看驗倘驗報不實將該司坊官照  
例叅處○又定凡五城地方除倒卧身死無傷  
者許兵馬司驗詳立案掩埋外如有受傷身死  
無名之人令五城兩縣該管各官一面報部一  
面緝拏即詳開年貌服色多張告示招人認識  
設立首報賞格務期弋獲以初報官之日為始  
扣限一年緝兇如限滿不獲將該司照緝兇不  
力例叅處如日後察係盜殺仍照京城盜案例

叅劾議處。○乾隆六年奏準。嗣後五城受傷身  
死無名之案。一經具文報部。卽令該司嚴緝兇  
犯。并通行各衙門協緝。如一年限滿不獲。將該  
司叅處。○十三年奏準。向例內城地方旗人。遇  
有命案。本家稟明佐領。呈報刑部相驗。街道遇  
有命案。不分旗民。由步軍校呈報步軍統領。轉  
咨刑部。票委該城指揮相驗。外城地方。有旗民  
之分。遇有命案。旗地則由地主。或屍親尋覓領  
催。報明佐領。轉報刑部。票委該城指揮相驗。民  
地則由總甲。呈報該城指揮相驗。是外城命案。

總係該指揮相驗。祇因分別旗民。輾轉咨呈。稽  
延時日。設遇兇傷謀害重案。久延時日。不特傷  
痕難驗。亦且兇犯遠颺。嗣後凡外城命案。不分  
旗地民地。均令總甲呈報該城指揮。立即相驗。  
一面呈報該城。轉報刑部都察院。如係旗人。則  
一面呈報該旗。照定例分別辦理。○十四年  
諭。向來通緝之案。不過行文出票。便爲了事。兇徒潛  
居坊巷。從無過問。並未實力察拏。京都地大物衆。  
萬方輻輳。情偽多端。地方官承緝處分。自不能過  
嚴。但盜案爲首。或命案正兇。必應治罪之犯。不當

任其遠颺。嗣後發保脫逃。及承緝限滿。作何議處。能緝獲者。作何議叙。該部定議具奏。欽此。遵

旨議準。五城命盜重犯。一經拏獲。雖未審擬。理應羈禁。原不應令其取保以致脫逃。至脫逃後本城承緝之司坊官。以例無處分。並不實力察拏。各城司坊官。及鄰近州縣。又視爲通緝之案。雖能拏獲。例無議叙。遂致彼此因循。姦匪漏網。嗣後五城命盜要犯。除未經到案在逃。其承緝原定有處分外。其拏獲到案。尚未審擬。不行羈禁。擅行發保。未經脫逃者。將該司坊官罰俸一年。因

而脫逃者。降一級留任。限一年緝拏。如限內拏獲者。開復。限滿不獲者。照所降之級調用。逃犯交與接任官。勒限一年緝拏。限內拏獲者。紀錄一次。限滿不獲者。罰俸一年。逃犯照案緝拏。如別城及鄰近州縣官。有能拏獲者。每名紀錄一次。

一盜案。康熙四十一年覆準。正陽崇文宣武三門關廂內被盜。文職兵馬司副指揮吏目。均降二級留任。罰俸一年。限一年內緝賊。全獲者開復。不獲者降三級調用。交與接任官緝賊。○雍

正三年奏準。正陽崇文宣武三門關廂內被盜。文職兵馬司官。交部降罰。賊犯限一年緝拏。全獲者開復。獲半者免議。不及半者。仍照定例議處。○乾隆六年奏準。凡五城三營地方被盜。應令彼此開會。便於協緝。嗣後以被盜報官之日。爲始。勒限三月緝拏。如限內不獲。將文武各官合疏題叅。○又定。凡刑部見審內行文五城察拏之案。如關係偷盜倉庫錢糧。並隱匿緊要重犯。即於文內添注要犯勒限緝拏字樣。該司坊於文到之日。按限緝拏。如限滿不獲。照京城定

例議處。其餘尋常命盜行文察拏之案。如限滿不獲。照外省定例議處。均令該城御史呈報都察院。咨部題叅。倘該城御史不行呈報。經刑部都察院察出。將該御史題叅。一并議處。

一竊案。凡五城坊官在汛地所管之處。若被竊賊。偷有實據。賊被旁人拏獲。或事主有受傷實據者。將該坊官罰俸三月。○雍正十一年議準。向來拏獲竊盜。呈報該坊官。並未定有限期。是以捕役得以借端勒索。稽延時日。嗣後司坊捕役。本日拏獲竊盜。即令本日呈報該坊官。如晚

間拏獲。限次日早間呈報。該坊官訊明被竊情由。將事主年貌姓名住址及所失贓物詳細注冊。即令寧家不必一同解送。該城御史研訊贓物行竊情由。察明冊籍出示曉諭。令事主親身赴該坊照數認領。如訊問事主有應追贓物或有夥盜未能全獲者。問明事主將贓物詳細注冊。即令事主寧家俟察明追出贓物再行出示。令事主認領。至竊盜有應完結者。即照例完結。有應送部者。即送部審訊治罪。倘捕役違限不即呈報。任意勒索事主。許事主赴都察院呈告。

照恐嚇取財例治罪。其坊官失察及縱容者分別議處。○乾隆三年議準。五城坊官如有縱容捕役養賊及苦累事主等弊。或經該城覈叅或被事主告發。審實。將該坊官照溺職例革職。該捕役照養竊分別名數治罪。○六年議準。五城地方報竊。該坊官立即親赴事主家。驗明竊跡。確察失單。勒捕迅速訪拏。仍報明本城并都察院立案比緝。即於本日。密行知會各城坊官協緝。如別城捕役能於十日內人贓並獲。並三案以上者。令本城坊官量加獎勵。如別城竊賊潛

匿該地方。該役不實力協拏。及明知故縱者。分別責懲。○七年議準。五城地方被竊。令事主報明本城。並報明該管將弁。立即選飭兵丁嚴緝。仍移會各營協緝。○八年議準。五城竊案。以報官之日為始。勒限四月緝拏。如限內不獲。該城叅送到部議處。○十四年議準。五城竊案。既經事主呈報。該坊官如有隱諱。不行詳報。該城御史覈叅。降一級留任。竊犯限六月緝拏。限內拏獲者。準其開復。限滿不獲者。降一級調用。竊犯交與接任官照案緝拏。其有事主未報。別經發

覺者。免其諱竊處分。仍於發覺之日為始。將未獲賊犯。限六月緝拏。限滿不獲者。罰俸三月。竊犯照案緝拏。如賊已拏獲者。免議。一發塚之案。凡五城地方開棺見屍者。以報官之日為始。勒限六月緝拏。如限內不獲。都察院叅送到部議處。





